

在文川网搜索古籍书城
获取更多电子书

中國方志叢書·華中地方·第一〇六號

據

清·蔣繼洙等修·李樹藩等纂
清·同治十二年刊本


影印

江 西 省

廣 信 府 志

(一)

SK50
成文出版社有限公司印行



中國方志叢書·華中地方·第一〇六號

據

清·蔣繼洙等修·李樹藩等纂
清·同治十二年刊本

影印

江 西 省

廣 信 府 志

(二)

成文出版社有限公司印行



10096875

重修廣信府志序

己巳之春繼沐恭膺

簡命出守信州入境以來見夫時和

歲稔物產豐饒繡壤雲連比栢

鱗次固東南一繁會之區也其

山蜿蜒而雄秀其水清激而滌

序

洄士尚弦歌農知力穡人無統

倚之好俗黜華靡之習風氣質

朴尤為近古鸞湖象山為朱陸

講學地歷代以來理學罕出其

著作或傳或不傳又况星霜屢

易兵燹疊經思孔訪求遺事鮮

有能道其詳者因亟索舊志閱

之而府庫板已無存訪諸紳耆

家所藏幸聞有鈔本各縣舊志

亦十亡二三徵信無從心竊憾

之咸豐五年髮逆竄入江境信

當東南之衝郡城陷而旋復明

序

年城復大至沈中丞葆楨以九

江守耒攝是郡獨力堵拒堅守

待援饒軍門廷選督師疾馳大

破城於西門之外城獲全厥後

城屬耒祀前守鍾觀察世楨又

於城上建兵棚並堂心礮台以

docsriver 文川网
入驻商家 古籍书城

在文川网搜索古籍书城 获取更多电子书

備守禦屬縣若玉山若廣豐珠
池均無恙若鉛山若弋陽若貴
溪若興安皆既陷而後後者維
時各屬紳民力行團練以助官
兵之不足其間殺賊立功者固
不乏人而忠臣義士亦婦烈女

序

三

文考獻已也至補其闕漏正其
訛舛則仍有待於後之來者
同治十有二年歲次癸酉九月
之吉知廣信府事曲昇蔣德誅
撰並書



中丞劉公

奏請弛禁後令已成聚成落編戶
安居德誅曾奉檄周歷履勘陟
層巔悠遠瞻閩疆涉界如數掌
攸宜郡境東南一大門戶其地
要故紀之也宜詳今者

序

四

大府奉

命纂修江西通志檄行郡縣各修新
志以備彙輯奉檄以來惟弗克
勝任是懼又以是非臧否公道
所繫一人之見恐未盡合因於
邑紳中之公正博雅者延之入

局共襄是舉於同治十一年四月開局公餘之暇日與諸君子各互考訂風雨晦明未嘗或輟不覺歷一寒暑矣蓋府志續修於乾隆四十七年迄今將百年災祥疊見平陂往復固天運人

序

五

事之常風土之異尚陵谷之變遷制度典章之因革又月異而歲不同偉人時士道德文章顯晦固各有時宗后石階潛德幽光必有久而後發者又後參考載籍網羅舊聞剔蘓扞解旁披

博採鴻文鉅製蔚然煥然片羽吉光璀璨滿目補之至寶不能掩其華神物不能秘其藏也是役也謹遵

憲局所頒條目次第纂輯益於舊志之闕略者補之慮其或佚

序

六

也間有魯魚亥豕者正之不致仍其誤焉計十八閱月而書成其為十二卷志地理以慎封守志建置以考沿革志食貨以觀生聚志學校以明教化志武備以知兵要而職官選舉封爵人

物靡不備載印仙容緬派藝文
雜說苟有闕一郡掌故老周敎
置而弗錄焉其是者借什之書
與否固未敢知而覽是書者得
七百里山川人物事迹之大概
衆治之端其在於是又不徒微

序

七

尤更僕難數其各隘口扼要設
防亦今日所有而昔年所喜者
不亟為記載而表彰之恐數年
後無復有聞焉者夫上廣秀境
之銅塘山歷桐村禁人臨軍到
之區往往為盜賊淵藪

上諭

順治九年

命禮部頒臥碑於天下學宮置於明倫堂之左曉示生員

朝廷建立學校選取生員免其丁權厚以廩膳設學院學道學

官以教之各衙門官以禮相待全要養成賢才以供

朝廷之用諸生皆上報

國恩下立人品所有教條開列於後

一生員之家父母賢知者子當受教父母愚魯或有非為者子

康作則

卷首

上諭

既讀書明理當再三懇告使父母不陷於危亡

一生員立志當學為忠臣清官書史所載忠清事蹟務須互相

講究凡利國之事更宜留心

一生員居心忠厚正直讀書方有實用出仕必作良吏若心術

邪刻讀書必無成就為官必取禍患行害人之事者往往自殺

其身常宜思省

一生員不可干求官長交結勢要希圖進身若果心善德全上

天知之必加以福

一生員當愛身忍性凡有司官衙門不可輕入即有切己之事

止許家人代告不許干與他人詞訟他人亦不許牽連生員作

證

一為學當尊敬先生若講說皆須誠心聽受如有未明從容再

問毋妄行辨難為師長者亦當盡心教訓勿致怠惰

一軍民一切利病不許生員上書陳言如有一切建白以違制

論黜革治罪

一生員不許糾黨多人立盟結社把持官府武斷鄉曲所作文

字不許妄行刊刻違者聽提調官治罪

諭興教化 康熙九年

廣信府志

卷首

上諭

二

上諭禮部朕惟至治之世不專以法令為務而以教化為先其

時人心醇良風俗樸厚刑措不用比屋可封長治久安茂登上

理蓋法令禁於一時而教化維於可久若徒恃法令而教化不

先是舍本而務末也近見風俗日敝人心不古嵩陵成習僭濫

多端狙詐之習日工獄訟之興靡已或豪高凌轍孤寒或劣紳

武斷鄉曲或惡衿出入衙署或蠹棍詐害善良萑苻之劫掠時

聞警忿之殺傷疊見陷罹法網刑所必加誅之則無知可憫宥

之則憲典難寬念茲刑辟之日繁良由化道之未善朕今欲法

古帝王尚德緩刑化民成俗舉凡敦孝弟以重人倫篤宗族以

昭雍睦和鄉黨以息爭訟重農桑以足衣食尚節儉以惜財用
降學校以端士習黜異端以崇正學講法律以儆愚頑明禮讓
以厚風俗務本業以定民志訓子弟以禁非爲息誣告以全善
良誠高逃以免株連完錢糧以省催科聯保甲以弭盜賊解讐
忿以重身命等項作何訓迪勸導及作何責成內外文武該管
各官督率舉行爾部詳察典制定議具奏特諭

御製至聖先師孔子贊并序 康熙三十四年頒布天下俾勒石於學宮

蓋自三才建而天地不居其功一中傳而聖人代宣其蘊有行
道之聖得位以綏猷有明道之聖立言以垂憲此正學所以常

廣信府志 卷首 上論 三

明人心所以不泯也專稽往精仰溯前徽堯舜禹湯文武達而
在上兼君師之寄行道之聖人也孔子不得位窮而在下秉剛
述之權明道之聖人也行道者勳業炳於一朝明道者教思周
於百世堯舜禹湯文武之後不有孔子則學術紛淆仁義湮塞
斯道之失傳也久矣後之人而欲操二帝三王之心法以爲治
國平天下之準其奚所取衷焉然則孔子之爲萬古一人也著
矣朕巡省東國謁祀闕里景仰滋深敬摘筆而爲之贊曰
清濁有氣剛柔有質聖人參之人極以立行著習察舍道莫由
惟皇建極惟后綏猷作君作師垂統萬古曰惟堯舜禹湯文武

五百餘歲至聖挺生聲金振玉集厥大成序書刪詩定禮正樂
既窮象繫亦嚴筆削上昭往緒下示來型道不終晦秩然大經
百家紛紜殊途異趣日月無踰義橋可晤孔子之遊惟中與庸
此心此理千聖所同孔子之德仁義中正秉彝之好根本天性
庶幾夙夜勛哉令圖溯源洙泗景蹟唐虞載歷庭除式觀禮器
摘毫仰贊心焉遐企百世而上以聖爲歸百世而下以聖爲師
非師夫子惟師於道統天御世惟道爲寶泰山巖巖東海泱泱
牆高萬仞夫子之堂孰窺其藩孰窺其徑道不遠人克念作聖
顏子贊

廣信府志 卷首 上論 四

聖道早聞天資獨粹約禮博文不遷不貳一善服膺萬德來萃
能化而齊其衆一致禮樂四代治法兼備用行舍藏王佐之器
曾子贊
洙泗之傳魯以得之一貫曰唯聖道在茲明德新民止善爲期
格致誠正均平以推至德要道百行所基纂承統緒修明訓辭
子思子贊
於穆天命道之大原靜養動察庸德庸言以育萬物以贊乾坤
九經三重大法是存篤恭愼獨成德之門卷之藏密擴之無垠
孟子贊

哲人既萎揚墨昌熾子輿闢之曰仁與義性善獨聞知言養氣
道稱堯舜學屏功利煌煌七篇並垂六藝孔學攸傳禹功作配
御製訓飭士子文 康熙四十一年

國家建立學校原以興行教化作育人材典至渥也朕臨馭以
來隆重師儒加意庠序近復慎簡學使釐剔弊端務期風教修
明賢才蔚起庶幾棧樸作人之意乃比來士習未端儒效罕著
雖因內外臣工奉行未能盡善亦由女諸生積習已久弊難改
易之故也茲特親製訓言再加儆飭女諸生其敬聽之從來學
者先立品行次及文學學術事功源委有敍女諸生幼聞庭訓

廣信府志

卷首

上諭

五

長列宮牆朝夕誦讀寧無講究必也躬修實踐砥礪廉隅敦孝
順以事親秉忠貞以立志窮經考義勿雜荒誕之談取友尊師
悉化嬌盈之氣文章歸於醇雅毋事浮華軌度式於規繩最防
蕩佚子矜佻達自昔所譏苟行止有虧雖讀書何益若夫宅心
弗淑行已多愆蜚語流言挾制官長或隱糧包訟出入公門或
唆撥奸猾欺孤凌弱或招呼朋類結社要盟乃如之人名教不
容鄉黨弗齒縱倖逃褫扑濫竊章縫返之於衷能無愧乎况夫
鄉會科名乃掄才大典關係尤鉅士子果有真才實學何患困
不逢時願乃標榜虛名暗通聲氣貴緣詭遇罔顧身家又或改

竄鄉貫希圖進取置凌騰沸網利營私種種弊情深可痛恨且

夫士子出身之始尤貴以正若茲厥初拜獻便已作姦犯科則
異時敗檢踰閑何所不至又安望其秉公持正爲國家宣猷樹
績膺後先疏附之選哉朕用嘉惠爾等故不禁反復惓惓茲訓
言頒到務共體朕心恪遵明訓一切痛加改省爭自濯磨積行
勤學以圖上進國家三年登造東帛弓旌不特爾身有榮卽爾
祖父亦增光寵矣逢時得志寧俟他求哉若仍視爲具文玩愒
勿儆毀方躍冶暴棄自甘則是女等冥頑無知終不能率教也
既負栽培復干咎戾王章具在朕亦不能爲女等寬矣自茲以

廣信府志

卷首

上諭

六

往內而國學外而直省鄉校凡學臣師長皆有司鐸之責者並
宜傳集諸生多方董勸以副朕懷否則職業不修咎亦難追勿
謂朕言之不預也尙敬聽之哉

御製周易折中序

康熙五十四年

易學之廣大悉備秦漢而後無復得其精微矣至有宋以來周
邵程張闡發其奧惟朱子兼象數天理遠舉而定之五百餘年
無復同異宋元明至於我朝因先儒已開之微旨或有議論已
見漸至啟後人之疑朕自弱齡留心經義五十餘年未嘗少輟
但知諸書大全之駁雜奈非專經之純熟深知大學士李光地

素學有本易理精詳特命修周易折中上律河洛之本末下及眾儒之考定與通經之不可易者折中而取之越二寒暑甲夜披覽片字一畫斟酌無怠康熙五十四年春告成而傳之天下後世能以正學爲事者自有所見歟

御製康熙字典序 康熙五十五年

易傳曰上古結繩而治後世聖人易之以書契百官以治萬民以察周官外史掌達書名於四方保氏養國子教以六書而考文列於三重蓋以其爲萬事萬物之統紀而足以助流政教也古文篆隸隨世遞變至漢許氏始有說文然垂義而畧於音故

廣信府志

卷首

上諭

七

世謂漢儒識文字而不識字母江左之儒識四聲而不識七音七音之傳肇自西域以三十六字爲母從爲四聲橫爲七音而後天下之聲總於是焉嘗考管子之書所載五方之民其聲之清濁高下各象其川原泉壤淺深廣狹而生故於五音必有所偏得則能全備七音者鮮矣此歷代相傳取音者所以不能較若畫一也自說文以後字書善者於梁則玉篇於唐則廣韻於宋則集韻於金則五音集韻於元則韻會於明則洪武正韻皆流通當世衣被後學其傳而未甚顯者尙數十百家當其編集皆自謂毫髮無憾而後儒推論輒多同異或所收之字繁省失

中或所引之書濫疏無準或字有數義而不詳或音有數切而不備會無善兼美具可奉爲典常而不易者朕每念經傳至博

音義繁曠據一人之見守一家之說未必能會通罔缺也爰命儒臣悉取舊籍次第排纂切音解義一本說文玉篇兼用廣韻

集韻韻會正韻其餘字書一音一義之可採者靡有遺逸至諸書引證未備者則自經史百子以及漢晉唐宋元明以來詩人

文士所述莫不旁羅博證使有依據然後古今形體之辨方言聲氣之殊部分班列開卷了然無一義之不詳一音之不備矣

凡五閱歲而其書如成命曰字典於以昭同文之治俾承學稽

廣信府志

卷首

上諭

八

古者得以備知文字之源流而官府吏民亦有所遵守焉是爲序

御製性理精義序 康熙五十六年

朕自沖齡至今六十年來未嘗少輟經書唐虞三代以來聖賢相傳授受言性而已宋儒始有性理之名使人知盡性之學不外循理也故敦好典籍於理道之言尤所加意臨蒞日久玩味愈深體之身心驗之政事而確然知其不可易前明纂修性理大全一書頗謂廣備矣但取者太煩類者居多凡性理諸書之行世者不下數百朕實病其矛盾也爰命大學士李光地詮擇

進覽授以意指省其品目撮其體要既使諸儒之闡發不雜於
支蕪兼使學者之披尋不苦於繁重至於圖象律曆性命理氣
之源前人所未暢發者朕亦時以已意折中其間名曰性理精
義頒示天下讀是書者自有所知也已

御製春秋傳說彙纂序

康熙六十年

六經皆孔聖刪述而孟子特言孔子作春秋左氏公羊穀梁三
家各述所聞以爲傳門弟子各衍其師說末流益紛以一字爲
褒貶以變例爲賞罰微言既絕大義弗彰至於災祥纖穢之學
興而更趨於怪僻程子所謂炳若日星者不因此而反晦乎迨

廣信府志

卷首

上諭

九

宋胡安國進春秋解義明代立於學官用以貢舉取士於是四
傳並行宗其說者率多穿鑿附會去經義逾遠朕於春秋獨服
膺朱子之論朱子曰春秋明道正誼據實書事使人觀之以爲
鑒戒書名書爵亦無意義此言真有得者而惜乎朱子未有成
書也朕恐世之學者牽於支離之說而莫能悟特命詞臣纂輯
是書以四傳爲主其有舛於經者刪之以集說爲輔其有舛於
傳者勿錄書成凡四十卷名之曰傳說彙纂夫春秋之作以游
夏之賢不能贊一詞司馬遷稱七十子之徒口授其傳而人人
異端當時已無定論後之諸儒欲於千百年後懸斷聖人筆削

之旨不亦難乎是書之集亦唯擇其言之當於理者雖不敢謂
深於春秋而辨之詳取之慎於屬辭比事之教或有資焉是爲
序

諭總督

雍正九年

自古帝王疆理天下必有岳牧之臣以分猷佐治而後四方寧
謐共臻上理此封疆大臣以總督爲最重也總督地控兩省權
兼文武必使將吏協和軍民綏輯乃爲稱職但統轄遼遠職務
殷繁較巡撫之所屬更大是在遴選屬僚之賢能者委任得宜
則振綱飭紀可無廢弛之虞而以人報國亦得大臣之體特是

廣信府志

卷首

上諭

十

澄清吏治必本大公之心虛懷察訪果係清節素著才具練達
者任以要劇卽行保薦則舉一可以風百今或以逢迎意旨爲
能以沽名市譽爲賢甚至暗通賄賂私發請託不肖官吏濫列
薦章而樸素無華敦尚實治者反抑而不伸是豈風勵屬員之
道乎朕視天下如一家視臣鄰如一體爾等亦宜深體此意以
一家之心視兩省以一體之心視屬吏本之至公用之至當則
上司之任使下僚如身之使臂臂之使指凡有才有守之人皆
樂爲効用矣至於所在管轄地方有作奸犯科之豪猾倚勢剝
民之指紳理應重加懲治因巧於結納反得僥倖自全而家居

之大臣官員皆經

皇考任用之人致政投閒安靜自好為大吏者並不聞加以禮貌或反被土豪侵欺者有之亦非所以表率屬僚彰善癉惡之道也總督與巡撫將軍提督誼屬同寅凡地方軍民事務宜互相商確各本虛公勿苟且雷同勿偏執意見方於國計民生有所裨益總督參劾知府例由司道揭報參劾州縣例由兩司道府揭報眾論僉同所以示公也近有參劾之後始行補揭夫果其當劾司道府不能揭報於前既有徇庇之愆而令其補揭於後又欲寬其失察之罪彼此巧飾以欺朝廷尚得謂之至公子

廣信府志 卷首 上諭 十一

朕觀古之純臣載在史冊者興利除弊以實心行實政實至而名亦歸之故曰名者實之華也今之居官者鈞譽以為名肥家以為實而云名實兼收不知所謂名實者果何為也爾督臣膺茲簡畀固宜篤矢忠誠尤當戒諭屬員痛改陋習更有仕宦之初頗著廉名及身躋大位則頓易其操者古人謂之巧宦其心事豈可問乎且職居制閫亦非徒以清操自善也若但謹身節用而遇地方大事一籌莫展雖免貪冒之名究鮮昇翰之實國家又何所倚毗耶督臣皆

皇考擢任之大臣朕嗣紹丕基一切皆遵循成法惟冀爾等察

吏安民練兵核餉崇實行而不事虛名秉公衷而不持偏見故請諸告誡並兩司道府州縣各有諭旨爾等亦宜細心體察與爾屬吏共勵官箴交相儆惕朕自優加恩禮始終保全若爾等恣意徇私不能竭忠盡職則深負

皇考備用之恩其罪甚大國法森嚴朕雖欲寬貸爾等不可得矣特諭 雍正元年

諭旌表

上諭禮部政治之要首在風化移風易俗莫先於鼓勵良善使人人知彝倫天則之為重忠孝廉節之宜敦古帝王勞來匡直

廣信府志 卷首 上諭 十二

所以納民於軌物者舍是無由也朝廷每遇覃恩詔款內必有旌表孝義貞節之條實係鉅典邇來直省大吏往往視為具文並未廣諮遠訪祇將有力之家囑託賂遺者漫憑郡縣監司之申詳即為題請建坊而山村僻壤窮氓耕織之人或救水養親天性篤孝或柏舟矢志之死靡他鄉鄰嗟嘆為可欽而姓氏不傳於城邑幽光湮鬱潛德消沉者何可勝數爾部即著傳諭督撫學政諸臣嗣後務期各屬搜羅虛公核詢確據本人鄉評實蹟題奏旌獎勿以匹夫匹婦而輕為沮抑勿以富家巨族而濫為表揚以副朕成俗化民實心彰善主意特諭

聖諭廣訓序 雍正二年

書曰每歲孟春道人以木鐸徇於路記曰司徒修六禮以節民性明七教以與民德此皆以敦本崇實之道為牖民覺世之模法莫良焉意莫厚焉我

聖祖仁皇帝久道化成德澤思普仁育萬物義正萬民六十年來宵衣旰食祇期薄海內外與仁講讓革薄從忠共成親遜之風永享昇平之治故

特頒上諭十六條曉諭入旗及直省兵民人等自綱常名教之際以至於耕桑作息之間本末精麤公私鉅細凡民情之所習

廣信府志

卷首

上諭

十三

皆

睿慮之所周視爾編氓誠如赤子

聖有謨訓明徵定保萬世守之莫能易也朕繼承大統臨御兆人以

聖祖之心為心以

聖祖之政為政夙夜匪懈率由舊章惟恐小民遵信奉行久而

或怠用申

詰誡以示提撕詳將

上諭十六條詳釋其義推行其文共得萬言名曰

聖諭廣訓旁徵遠引往復周詳意取顯明語多直樸無非奉

先志以啟後人使羣黎百姓家喻而戶曉也願爾兵民等仰體聖祖正德厚生之至意勿視為條教號令之虛文為謹身節用之度人盡除夫浮薄蕩淡之陋習則風俗醇厚室家和平在朝廷德化樂觀其成爾後嗣子孫並受其福積善之家必有餘慶其理豈或爽哉

諭詳孔聖名 雍正三年

上諭古有諱名之禮所以昭誠敬致尊崇也朕臨御以來恐臣民過於拘謹屢降諭旨凡與御諱聲音相同字樣不必迴避近

廣信府志

卷首

上諭

十四

見各省地名以音同而改易者頗多朕為天下主而四海臣民竭誠盡敬如此况孔子德高千古道冠百王以正彝倫以端風化為往聖繼絕學為萬世開太平自天子以至於庶人皆受師資之益而直省郡邑之名如商正章正等今古相沿未改朕心深為不安爾等會議凡直省地名有同聖諱者或改讀某音或另易他字至於常用之際於此字作何迴避一併詳議具奏御製詩經傳說彙纂序 雍正五年

朕惟詩之為教所以成孝敬厚人倫美教化移風俗其用遠矣自說詩者各以其學行世釋解紛紜而經旨漸晦朱子起而正

之集傳一書參考眾說探求古始獨得精意而先王之詩教藉之以明國家列在學宮著之功令家有其書人人傳習四始六義曉然知所宗尚我

皇考聖祖仁皇帝右文稽古表章聖經

御纂周易折中既一以本義爲正於春秋詩經復

命儒臣次第纂輯皆以朱子之說爲宗故是書首列集傳而採漢唐以來諸儒講解訓釋之與傳合者存之其義異而理長者別爲附錄折中同異間出已見乙夜披覽

親加正定書成凡若干卷名曰詩經傳說彙纂朕惟詩三百篇

廣信府志

卷首

上諭

十五

先王所以明勸懲而行黜陟蓋治世之大經而後世文人學士乃以風雲月露之辭自託風雅學經者又溺於訓詁詞章之陋習烏在其能明先王之道也哉

皇考指授儒臣勅爲是編期以闡先王垂教之意與孔子刪詩之旨學於是者有得於興觀羣怨之微而深明於事父事君之道從政專對無所不能則經學之實用者而所謂用之鄉人用之邦國以化天下者亦於是乎行焉刊校既竣敬述

聖意序之簡端

御製書經傳說彙纂序

雍正八年

朕思六經皆治世之書而帝王之大經大法昭垂萬古者惟尙書爲最備蓋自繼天立極精一執中二帝三王之心法遞相授受而治法亦因之以傳今觀書所載成天平地經國造邦建官立教禮樂兵刑之宏綱大用與夫賡颺都兪之休風嘉謨嘉猷之陳告凡所爲永膺天命而致時雍協和之效者雖相去數千年尙可於方策中想見其欽明寅畏之衷敷布經綸之跡後之君臣得奉爲模楷以追蹤於唐虞三代之隆詎不於書是賴哉我

皇考聖祖仁皇帝聖學淵深治功宏遠存於中者二帝三王之

廣信府志

卷首

上諭

十六

心發於外者二帝三王之治而稽古好學於典謨訓詁之篇沈潛研究融會貫通初

命講官分日進講著有解義一編頒示海內復

指授儒臣薈萃漢唐宋元明諸家之說參考折中

親加正定廣大悉備於地理山川援今稽古靡不精核爲書經傳說彙纂凡二十有四卷茲值刊校告竣與易詩書春秋諸經次第傳布敬製序文勒之卷首夫後世之天下唐虞三代之天下也而治法之垂爲典章心法之原於性命者先後同揆百世之聖君賢輔未能易也故爲君者必思比德於堯舜禹湯文武

而後無忝乎爲君爲臣者必思媿休於身夔伊傅周召而後無忝乎爲臣朕夙夜兢兢冀克守主敬存誠之道以遂觀光揚烈之懷尤冀卿尹百執事共體元首股肱之誼禪協恭勵翼之忱寅亮天工誠和民志俾薄海內外永底乂安於以遠宗聖哲而仰承

皇考尊崇經學啟牖萬世之盛心願不美歟是爲序

世宗憲皇帝御製大上清宮碑文

雍正十一年

漢天師張道陵煉丹成道得神授秘文祓除陰惡通靈變化享壽百二十有三子孫世嗣其法所傳經籙符章印劍代以一人

廣信府志

卷首

上諭

十七

典之弟子法官轉相師授其教以忠孝正直感動神應如響是以歷朝重之世襲真人之封於今弗替貴溪龍虎山者天師煉形修丹之地元壇丹竈在焉後卽其地建上清宮唐宋元明以來代有修建我朝康熙二十六年

聖祖仁皇帝親灑宸翰賜號碧城並頒大上清宮扁額賜帑金以修葺殿宇歷年既久官事鼎新朕特發內帑專遣廷臣前往重修增飾廟貌又以斗爲帝車羣生之所託命復令相方卜址創建斗殿以爲祈禱善地萃土庀材百堵皆作宏敞堅固煥如翼如經始於雍正九年五月明年七月工竣復賜田三千四百

餘款永爲世業夫天師以忠孝爲萬法之宗自東漢迄今千五百年法裔相仍克修緒業効忠闡孝捍患除災蓋有精誠所感實足以通貫幽明知鬼神之情狀故能常垂宇宙裨益聖功福國濟人功驗昭著太上清宮爲神祇之所陟降法錄之所憑依福地仙都山靈擁護增新崇構典禮攸宜是用紀事述文勒諸貞珉以昭示永久俾知

國家酬庸報功宏獎忠孝之至意云爾

御製日知書說序

乾隆元年丙辰八月中秋日

日知書說者取子嚮日日課所爲文刪釋編次合而錄之爰定廣信府志

卷首

上諭

十八

之以名也子稟承

庭訓懋學書齋畱連往復於六經四子之書求其義蘊精微旁搜諸史通鑑考定得失區明法戒以至儒先緒論詞苑菁華莫不遍覽雖究心探索饜飫其中然考之古聖賢躬行實踐之學蓋憑焉而未逮自十有四歲學屬文至於今又一紀矣其間日課詩論雜文末嘗少輟積成卷帙瑕瑜各半踐阼以來萬幾待理豈復得如曩時專志篤學日與良師友敬業樂羣於翰墨之場哉紬繹舊聞念茲弗釋因取其精去其疵錄其正棄其偏一百六十則釐爲四卷而舉凡道德性命之旨學問政治之要經

傳之淵源古今之事跡莫不畧見梗概夫日知之說出自子夏繼以無忘所能必所知者日新不失而賡續以極於高明乃爲學問竅要君子嚮日所得尙非空言而無濟實用則今班朝蒞政之間豈不足自考其知行合一與否以爲抒聞見遜敏敦修乎

御製樂善堂全集序 乾隆丁巳二年仲夏望日

朕少讀尙書而二帝三王以及繼世之哲后君臣咨微惟是身心性命之本原是敷政命官亦惟根柢道德而不徒規規事爲之末及考詩易四子之言凡論政者皆與書所稱同其指歸互

廣信府志

卷首

上諭

十九

爲表裏其後博涉諸史則雖明盛之世所殫心竭慮者大概詳於事功而畧於本原教化之升降治象之崇卑其分歧實判於此用是日孜孜求所以取道入德之門蒙

皇考示以明理立誠之大訓而畧得其統貫又念修辭必本乎誠故凡見於古文詩辭者咸以是爲宗而不敢有貳焉往者歲庚戌會錄數年中所作序論書記雜文詩賦次爲十有四卷置諸凡案時就所言以自檢其行嗣是所作蓋四倍於前繼序以來躬理萬幾兢兢業業惟恐一事失宜負

皇考付屬之重思如曩時從容文墨之娛不可復得然少有餘

閒未嘗不考鏡經史以自觀省爰取庚戌文鈔所載存之十三續作未訂入者存之十七總爲一編共若干卷非欲以文辭自表著蓋是集乃朕夙昔稽古典學所心得實不忍棄置自今以後雖有所著作或出詞臣之手真廣各半且朕亦不欲與文人學士爭巧以轉貽後世之譏則是集之輯有不得已者記日本諸身徵諸庶民曩子自檢所行以勉副所言者乃日用酬酢之常今茲所行事無大小莫非此政教之平陂生民之苦樂相倚不可以中立者也因此益自警惕而克艱天位顧畏民暑庶幾明理立誠之學參前倚衡永永勿替也夫

廣信府志

卷首

上諭

二十

御製重修

文廟碑記 乾隆三十四年

舉江淮河濟以贊海吾知其不知海舉嵩岱恆華以贊地吾知其不知地然則舉道德仁義以贊孔子者其亦類於是乎夫江淮河濟豈不爲海所納而不足以形海之大然海固不拒江淮然地固不讓嵩岱恆華以爲土也道德仁義豈不爲孔子所垂而不足以盡孔子之量然孔子固不外道德仁義以爲教也教之義始見於虞書而未有定所夏校殷序周庠學則三代共之

docsriver 文川网
入驻商家 古籍书城

在文川网搜索古籍书城 获取更多电子书

是國學所昉乎夫三代既有學亦必有教而吾以為孔子立道
德仁義之教者何蓋三代以前之教非孔子不明三代以後之
教非孔子不立亦猶江淮河濟非海不納嵩岱恆華非地不載
道德仁義非孔子不垂也國學始於元太祖置宣聖廟於燕京
由元及明代有損益修葺至本朝而崇奉規模為大備

刻聖石文臨雍必事輪奐乾隆戊午朕詣學展儀先詔易蓋黃
五聿昭茂典然丹雘雖致飾壯觀而上棟下宇風雨燥溼歷年
既久浸欹是虞爰以歲丁亥發帑二十餘萬特簡重臣司其事
越己丑仲春告厥工朕親釋奠以落成焉先是言臣有以宜乘

廣信府志

卷首

上諭

二十一

此時修復辟雍園水之制為請者禮官以為三代之制弗相沿
襲實政不必泥古朕以其言良是遂從之門殿諸額一準會典
皆親書各懸於其所舉大工者必泐碑以誌故敘其事書之若
夫述孔子之言仍以頌孔子是猶繪日月星辰以象天朕有所
不能

諭取七 乾隆四十三年

上諭文以明道自當以清真雅正為宗朕會諸講官訓諭而文風
總未能隨蓋非一朝一夕之故本年會試闈中進呈前十名卷
朕詳加披閱文體較為純正尚不失制義之本發榜後詢之大

學士于敏中據奏近年風氣喜為長篇又多沿用墨卷唐詞爛
調遂爾冗蔓浮華即能文者亦不免為趨向所累等語士子平
日專心經術探討古文及時文諸大家以立其體作文尤須體
會先儒傳說以開發聖賢精蘊獨出心裁屏除習見語其文自
然合度何必動輒千言因陳不察耶昔陸機云要辭達而理舉
固無取乎冗長韓愈曰惟陳言之務去二語實文章正鵠士子
宜深味乎其言嗣後鄉會兩試及學臣取士每篇俱以七百字
為率違者不錄其庸熟墨派悉行剔除又或過為新奇墮入牛
鬼蛇神惡道尤在所澄汰操觚者慎毋掉以輕心司衡者各宜

廣信府志

卷首

上諭

二十二

示以正軌務期風會蒸蒸日上以副朕崇雅黜浮之至意將此
通諭中外知之欽此

諭各督撫飭屬勸課農桑速清案牘 嘉慶十九年

上諭姚文田奏請急農桑緩刑獄一摺國家政在養民農桑者
天下之大本朕親耕后親蠶躬行為天下先誠以民生所亟一
日不再食則飢終歲不製衣則寒布帛菽粟其事至恆而所關
至鉅定例考核吏治首列勸課農桑所以責望牧令者莫要於
此古者物土之宜耕九餘三歲有豐歉民無凍餒近者宵旰之
產多以蒔菸倉廩所儲兼以釀酒地利未盡禁令復弛地方偶

值偏灾雖蠲賑類施民猶不免飢寒本務不修無怪乎閭閻之貧且病也著通諭直省督撫各飭所屬府州縣官務知朝廷貴農重粟之意以勸課農桑爲亟境內沃壤悉令樹植嘉穀有勸於南畝者勞之相之其糜穀病農者抑之懲之地產日豐蓋藏饒裕衣食足而廉恥興富教之政其庶幾乎至除莠所以安良刑者不得已而用之苦訟獄繁興株累者眾其妨於農事者甚大著問刑官吏遇有應訊案牘務速爲剖判曲直嚴懲誣枉勿得拖累無辜以恤民生而厚民俗其各實力奉行勿怠欽此

諭講朱子全書以端士習

嘉慶二十二年

廣信府志

卷首

上諭

二十三

上諭御史周祖培奏請勅各省學政講明朱子全書以端士習一摺教化爲立政之本以正人心以厚風俗非特各省學政當講明正學以端士習卽督撫藩臬以至道府州縣各有治民之責皆應隨時化導俾小民遷善遠惡力返淳風宋儒朱子全書固足以闡明經術而五經及四子書炳若日星若在官者各能身體力行以爲編氓倡率亦何不可收世道人心之益朕前降諭旨令牧民者惟以孝弟忠信禮義廉恥爲民之先務直省大小官吏果能仰體朕意實力奉行廣爲勸諭使父誡其子兄誡其弟久之漸摩成習薰德而善良者眾日計雖不足月計則有

餘也其有愚頑梗化之徒徃於邪說則明刑所以弼教化導與懲創相輔而行使民知畏法而生懼心卽漸知慕義而生愧心至於有恥且格則經正民興自無邪愚矣將此通諭知之欽此

諭臣工

嘉慶二十三年

上諭朕恭閱

高宗純皇帝實錄內載乾隆六年七月欽奉

諭旨朕惟保天下者求久安長治之規必爲根本切要之計制治未亂保邦未危者必以風俗人心爲本人心正則風俗醇而朝廷清國祚久遠我國家受

廣信府志

卷首

上諭

二十四

天景命

皇祖

皇考厚德深仁漸被海宇實皆不世出之君朕繼承大統早夜孜孜歷觀史冊繼世相承變民勤政若是其積累深而涵濡久者蓋不數觀且內無詘謁之女寵干政之宦官朝無擅權之貴戚大臣外無擁兵之強藩巨鎮不但無其人無其事且無幾微之萌孽宜其教化興行習俗美盛措天下於泰山之安乃朕澄心靜觀今日之人心風俗居官者以忠厚正直爲心而身家利祿之念胥泯未能也爲士者以道德文章爲念而僥倖晉進之

志不萌未能也民皆家給人足漸臻端良樸愚之風未能也兵皆有勇知方足備干城腹心之選未能也朕中夜以思朝乾夕惕若蹈虎尾涉於春冰惟恐墮成業而失事幾然此非朕一人所能獨理也內外諸臣當股肱心膂之任必當以舉夔稷契爲心屏畏難之見除苟安之習比吏治之得失人材之賢否民生之休戚皆宜熟籌而切慮夫王道雖無近功而未始無成効惟在正其心術固其本根勿爲目前之計而爲久遠之圖我國家無疆惟休實有厚望易曰安而不忘危治而不忘亂是以身安而國家可保也我君臣其共勉之等因欽此

廣信府志

卷首

上諭

二十五

聖訓煌煌仰見我

皇考思深慮遠致治萬年之至意自古國家長享太平未有不加意於人心風俗者而人心之所以正風俗之所以醇則繫乎政教之得失其事隱於無形而及乎自微之著則爲國脈之所繫未可視爲迂闊朕紹承

丕緒夙夜兢兢仰惟

皇考當日以官常士習民生軍紀數大端殷殷在抱至今日更何敢謂已治已安不思默化潛移爲億萬年圖治求寧之計但天下之大萬民之眾非一人所能獨理所望內外諸臣各舉其

職視國事民事皆如一家一身思日贊襄弼予不逮爲君者有持盈保泰之心爲臣者亦當有憂盛危明之識朕拔諸僭伍之中任以股肱心膂原欲其以遠大自期將以致君堯舜必先許身臬夔矢以實心佐以實政方合古人進思盡忠退思補過之義若狃於故常因循怠忽但爲身家利祿之謀則一事之不理一民之失所其患必有所伏豈稱朕宵旰勤求之意乎夫朝廷者人心之本封疆者風化之原內外臣工果能精白乃心夙夜匪懈圖其遠者大者而不爲苟且便安之計以匡國政以厚民生我國家萬年不拔之基其庶有賴矣將此通諭知之欽此

廣信府志

卷首

上諭

二十六

諭求治理

嘉慶二十四年

上諭朕恭閱

皇考高宗純皇帝實錄內載乾隆九年五月欽奉

諭旨爲治以安民爲本安民以教養爲本人君總其成於上而分其任於督撫督撫總其成於上而分其任於州縣州縣者民之司命而又與民最親者也身居此官身履此地民生之休戚民俗之諳疵雜犬彘麻之細日用飲食之常良好奸之不一其類勤惰之各異其情必一一洞悉於中而後加之調濟州縣所屬地方雖廣狹不一事務亦繁簡不同然一月之中豈無善或停

刑之日亦有因公下鄉之時果然乘此餘暇不辭勞瘁親履田間與父老子弟歎然相接如家人父子言孝言慈啟其固有之良化其惰窳之習因而詢問疾苦講求利益審物土之宜問閭閻之便利所當興者舉之害所當除者去之則教養兼施善政莫大於是用是再頒此旨通行訓誨自督撫以至州縣皆當身體力行以奏治效等因欽此仰見我

皇考以教養斯民爲亟

訓飭司牧至再至三朕惟治民之道教養兼資人君不能獨理於是設官分職布於天下皆所以分教養之責者也朕夙昔孜孜廣信府志

卷首

上諭

二十七

孜孜和萬民舍此二事亦無以爲羣工勤者乃身任牧民之職日視其民之陷於匪僻罹於飢寒而莫之省肆行邪教而不能禁其獨能安於心乎夫知民生疾苦莫親於州縣其視民如子則民亦必視之如父母誠能使百里之內官民相習閭閻利弊無不周知勸其勤儉化其偷惰俾之衣食足而禮義興則雖古之循吏何以踰此若但以簿書期會爲稱職甚或祇顧身家腠民自殖一任其民之冥頑顛連而視同秦越則於朕誠求保赤之心背之遠矣此又在督撫體朕此意善爲督率一省之中州縣不下百人其間賢不肖亦至不齊爲督撫者不可以愛憎爲

取舍其考課報最必以實政爲先牧令之中察其盡心教養者即獎勅而薦舉之玩視民瘼者即參劾而懲劾之俾中材亦知自奮久之百爾嚮風日計不足月計有餘民生可底於厚民俗可底於醇庶慰朕勤求上治諄諄訓誡之意焉將此通諭知之欽此

諭端士習 道光十五年

上諭御史俞焜奏嚴核優劣以端士習一摺從來民風之醇樸由於士習之端謹凡有教士之責者不徒課以文藝務在敦崇實行最爲旌別以樹風聲若如該御史所奏近來各地方官於廣信府志

卷首

上諭

二十八

責監生員併不隨時稽察教官舉報優行人數日增不無冒濫其有素行不端者類皆徇隱不報刁劣之徒肆無顧忌往往出入公庭勾串書吏或以他人漕糧出名包攬或以不干已事聯名訟訐逞筆舌以玩法恃衣頂爲護符甚至勢壓鄉閭挾制官長犯法滋事日積愈多於風俗人心大有關係不可不嚴行甄核著各直省督撫府尹學政嚴飭該地方官暨各教職務須隨時訓誡認真稽查舉優者勿徇虛名報劣者毋許姑息倘仍瞻徇隱匿致釀事端即將各該地方官及教職從嚴參辦決不寬貸將此通諭知之欽此

御製四言韻文序 道光十九年

前據署兩江總督陳鑾著江蘇巡撫裕謙江蘇學政邢窩藻奏請飭下推闡

聖諭廣訓內訓異端以崇正學一條擬撰有韻之文頒發各省當經降旨著翰林院敬謹撰擬茲據掌院學士等進呈四言韻文一篇候朕欽定朕詳加披閱足以闡明

聖諭啟迪愚蒙著禮部即頒行各直省學政恭書刊刻徧頒鄉塾俾民間童年誦習激發良知涵育薰陶風俗蒸蒸日上朕實有厚望焉欽此

廣信府志

卷首

上諭

二十九

勅諭 聖諭廣訓黜異端以崇正學韻文

惟天生民異質同性界以五常統乎百行自聖及凡無邪有正本體既明趨向乃定惟聖覺世振頑啟愚防以刑政迪以詩書雷霆徹戶日月照衢捭撕引掖惟善之驅緬思古昔俗美化醜豆觴知義箕箒明倫以忠於上以孝於親里因仁美鄰以德蓋惟先民正學是尙戶謹師承家遵蒙養行不履邪言不涉妄聖教既昌皇風斯暢事有二氏日老日釋老主清淨釋宗寂滅為教雖殊其指則一今之異端乃襲其說嗟彼異端何獨非民

不知父子不知君臣若飲狂藥如墮迷津離經畔道與匪為鄰

匪之不除邪說競作偽託師巫妄言禍福結會傳徒糾盟黨惡

使我良民受其愚惑惟民之愚見異思遷謂可成佛謂可昇仙

教之不悟信之愈堅不惜軀命無論金錢嗟爾之軀生自父母

望爾承先待爾啟後達固為榮窮亦可守奈何不肖受其誘誘

嗟爾之財辛苦所餘累非朝夕積自錙銖衣食所賴緩急是需

奈何被惑罄其蓄儲今為爾告爾共敬聽自來百邪不敵一正

見現雪消遇霜草隕身敗名墜曾不轉瞬不見異端男女同室

廉恥道亡綱常理息如彼禽獸豈答天日一旦伏誅悔之何及

廣信府志

卷首

上諭

三十

不見異端茹素念經愚我黔首亂我儒衿生為民蠹死受國刑

殃禍不救祈祝無靈不見異端創立名號敢肆請張自外覆蕪

翦鴟于林狡鼠在道曾不崇朝首領莫保前車可鑒覆轍當思

何習其教更拜為師念此蠢蠢哀我蚩蚩狂瀾不返疇其拯之

乃飭疆吏乃命守土為爾去莠為爾除蠹珍此虺蛇投彼豺虎

一警迷塗同歸覺路自今庶民各守爾義農服耕耘士修孝弟

尚阜其財工勤其藝莫作非為永保勿替更告爾兵武藝為先

冠不在美衣不在鮮武勇既備禮讓並嫻毋蹈非分永守勿愆

矧今盛世何生不育化及昆蟲澤被草木飽煖有資俯仰隕足

幸生其時太平可樂勿干國憲勿犯王章各安本務共享平康
秋田息蜡春社烹羊人其永壽天亦降祥

廣信府志

卷首

上諭

三十一

原序

明德方隆海內熙洽百六十年文治聿興載籍流傳山經地志
下及稗官小說名山墟墓之藏金匱石室之秘斷碑殘碣之遺
莫不畢出遐方僻壤皆得資取以修飾其圖若志以自張大而
周官職方氏外史小史之職於是大備吾信江右各郡成化初
明興百年始克有志於時書未盡出材未盡見紀載稀濶僅克
成編至取前賢文集以增卷帙而其志則勤矣迨今又六十年
而信之文獻有光於前者郡侯張君景周覽舊志而增慨曰事
有出於舊志之前而未能紀者當補書其出於後而未及紀者

廣信府志

卷首

原序

三十二

當續書是不可後眾咸曰諾適編修費君子和江君懋毅縣尹
楊君仁甫輩方家食乃以委之爰恣披閱爰廣搜訪參互考訂
凡幾年而就緒於是吾信稱名郡於天下不誣矣抑後於此竊
有言焉信之疆域分野山川形勝志於地輿者古猶今也若夫
人物之盛衰風俗之高下則常與化移易不可概論入國朝以
來載於舊志登科未有魁多士者入官未有居翰林者京朝官
未有階三品者前輩嘗以爲口實曰信產止是耳今之視昔則
可謂盛矣人又從而言曰信山川靈秀實甲於天下俊往往聞
斯言於士林人與地其顯晦固相爲表裏耶舊志信土瘠民貧

風俗樸野入宋文學間出商渡以來遂爲要區人知教本積學
儒風日盛以俊耳目所逮民間力穡尚儉養生送死賓姻婚嫁
僅取成禮而不敢侈非特屈於力也士大夫尤畏清議人人自
重居官以致富爲恥今則或異於昔矣豈土之瘠者日肥而民
之貧者盡富乎於是獄訟繁興盜賊不息刑不能禁至舉兵加
誅所謂教本積學之效蓋不止此也張侯忠信樂善爲政有本
嘗以忠諫獲譴來守吾郡儉素率下以身爲教郡人得父師焉
俊竊以俗尚日靡爲慮僭侯數年其可一變乎續志當書信俗
之復自今日始爲他日故事則吾信之名於天下者庶其永有

廣信府志

卷首

原序

三十三

徵乎明嘉靖丙戌禮部尙書致仕郡人汪俊序

郡邑之志曷昉乎大要以正疆域辨土貢考俗昭文鑑往而垂
誦不可廢也而詳畧異焉邑志宜詳第令瑣蒐靡雜罔裨政俗
則於體裁郡志宜畧而等之乎賸簡棄遺不屬歲遠事湮勢不
幾於滅乎信乘作於成化初修於嘉靖丙戌距今餘若干載矣
而未有續者非異時諸君子之蔑視之也迫於劇而不暇續重
其事而不任續其意皆有待焉蓋余既昧信有徵乎其時而謂
志之所係重也銅塘之封禁以祖陵發岷故徒以界連閩浙而
倭監遂借制之雲霧嫁旣焉非其時在事者之調停旣有窮乎

則疆域宜正也採礦採青之使靡牙下邑幾田廬邱墓之不保
則土貢宜辨也舊志稱俗淳而樸今漸非其舊矣考之而俗宜
挽也人文關地氣矧言切世務證民風者乎昭之而文可興也
循良之遺烈鄉邦之懿行幽人勝侶之逸蹟一披籍而民暨存
焉志之不可已也如此余媿非其任而又不敢以劇辭恆竊慨
編戶之萌兼兩之貲必有籍焉以備忽忘資營運安有千里其
家而滅視其產蓄之登耗家政之廢興若無足屑而併以其籍
爲廢也後事者謂何爾則以謀之鄭方水太史請併舊志增修
焉太史公謙辭其修而第力搜往牒述舊聞訪求文獻之家藏

廣信府志

卷首

原序

三十四

博採而精收之命曰續葺其體該其事核其義精洵前書之後
勁而來詰之新型已余欲終前請而公竟辭曰以待後之作者
度不能強遂受而刻之以待明萬曆辛亥知府張履正序

不佞拜天子命來治信初下車卽取志書閱之其意蓋有二察
其山川形勝以爲思患禦備之防此其一也辨其風物土俗以
爲補林教化之端此其二也詳其戶口錢穀以爲會計征輸之
實此其三也乃甫接卷見其標曰郡志不能不作而嘆矣夫法
尊昭代古今之通義也帝王不相治襲旣已府之何其郡之也
府郡之義雖可相通贏政之故名法不得施於今矣况有秦以

來亦未以郡名廣信惟水經首有之其近地亦有鉛山玉山弋陽永豐諸名其地則本廣漢在今交趾境今所府在饒發吳衛境於古未有定名不過轉徙分隸諸郡而已遂竟邵之非其實矣何以稱信史毋其當時好古喜新遂失之書法乎則其中之訛舛或有不能無者矣况修之世廟之初至今自有餘年縣增而七矣而志尙六學進而入矣而志尙七則山川形勝之經界戶口錢穀之屬籍建置職守之中以異况風氣每百年而一更也哉所賴有信乘續葺之作寧非志之功臣乎然斷自神宗辛亥恩三帝矣壬子冬雪盈尺壞舍癸亥夏雨兼旬齧城此天事

廣信府志

卷首

原序

三十五

之可志者也况有不盡乎此者在也春浦復城闢永豐爭縣令此人事之當志者也况有不盡乎此者在也而若鱗至於谿熊伏於市虎醉於郊其妖其祥可無志乎而若鍾靈晚港諸橋之成玉虹水北諸橋之壞固關於因革興廢者也可無志乎而六經選舉兩經土斷則文業吏治多焉矣可志孰甚焉而驚湖岑山博山諸釋氏或以行或以功或以學蓋亦志所不遺也舉而修焉煩者刪之闕者續之錯者改之魯魚帝虎者正之此其時矣乃因繙較之際加之詳焉而約畧往時見聞所及於信之事載籍亦不少矣志何寥寥也或當采輯時以吾夔於梁隋亦名

信州本草所載半在夔地而無所確據以分別之不敢畧美而闕人耶嗟乎信業以轉徙分隸或屬九江或屬會稽或屬淮南豫章或屬鄱陽廬陵東陽金華則其間之往跡故實從轉徙而志之各郡者已不可返故漢唐以前不多見乃又以吾夔之故至不敢收其遺漏可勝道哉則吾有說於此請自元載請建信州而夔已不名信時始則君卿通典所載志諸廣信又何疑焉况太平御覽太平廣記玉海稗海諸書皆於宋事爲獨詳又一時名公碩士之所著定攬而撫之亦不下百餘事王侍郎顯道楊御史儉與夫李詠鄭郡之徐謂禮周暉湯平甫之類用以志

廣信府志

卷首

原序

三十六

男子周才美子婦張角孫夫人與夫鮑娘之類用以志女子海棠連理香閣跨虎弋陽鐵柳涵口木客之類用以志異陳全裕見族李虞遊嵩用以志戒兌溪驛海棠錦路之類用以志地常建題草堂東坡碑上清與夫趙孟頫所書碑之類用以志藝文更僕而悉數之參以鉛書所考龍井菴之隱居吳紹古之爲尉宋幼帝之避寇李文公翔韓南澗元吉輩之講學朱元晦之提刑簡獄鍾離牧之監兵討亂諸事亦越舊志所載大義禪師子植羅漢松枯而復生陶學士安送文宗山長李國詩諸事合而爲書不惟於前志有光雖信乘亦或許之矣不然以元卿爲

巨卿以李恂爲李愔既恐失之狗名以菲芴爲土瓜以長春爲月桂亦恐失之狗俗夫前哲註誤後起匡之斯於著述無遺恨耳且聞之汪秩宗固布茲以修定者乎雖然誌取其必公要其必確則是非可否所在斷未能以一人爲據非得公中正直博學而有史才者數輩胡以克襄厥成也且吾搜諸府庫其羨盈所存足待公家不時之需者以建橋去十之三以餉遶去十之七亦無幾矣使吾分半奉又無以養廉無以養廉計未有不敗所守而資民間以勉成者今日之信民尙可資耶金銀水晶之屬地方已盡而馬戶煩告更番大爲厲政焉夫君子舉事內無

廣信府志

卷首

原序

三十七

妨已下無傷民故足述耳拜天子命來治信卽欲爲思患禦備之防補抹教化之端會計征輸之實自別有操術之處豈介然一志爲哉前府張公序乘有言以俟後之君子不佞亦敢以云惟是舊毀散失銘裂諸籍謹爲覓補一百有八版值工之費所不敢辭也既成帙乃知信水皆自東而西行三百里入於宮亭考曲阜汶沂二水亦西行三百里記所謂求毋水故斯文爲獨著則信之爲信也亦有合矣是以於前代國公一人亭侯一人狀元三人少傅一人參知政事一人尙書一人侍郎一人進士凡百餘人仕元者不在焉昭代少師狀元宰輔一人少師

李輔一人少保一人尙書一人侍郎一人進士凡百十餘人地靈未艾猶其德音以光昭志典稽首拜手敬以俟諸崇禎四年知府陳盡序

官以同知名謂其同知一府之事也而實則無一事之可知者也廣信同知所知者兩所旗丁瑣尾流離逃絕殆盡而漕運轉輸歲無停差每逢檄催東窳西避嘗苦僉補無術又七邑界連閩浙深山窮谷花妖木魅鼠竊狗偷之徒一有風鶴動以職名付夾袋此皆其最不願知而不得不知者外此則閉戶攤書如破袖老僧看守古剎迎暄捫虱而外無所事事也烏乎知雖然

廣信府志

卷首

原序

三十八

既爲同知矣今所不知者古可以知登堂所不知者退食可以知簿書所不知者細帙可以知今使名爲同知而問以建置沿革日不知問以山川險易日不知問以風俗所尙物產所宜財賦戶口所消長日不知問以前賢往蹟邱陵墳衍事業文章之可法而可傳日不知又安以同知爲噫如是以爲知則非志不知也非合七邑之志以爲志則亦不能盡知也乃廣信之缺志幾百年於茲矣予履任初卽與太守高公計議纂修而大部亦遂有通行之例於是檄召各縣悉與更始迨縣志齊太守又以班范之筆刪繁葺要成一郡之書書成而予得取而備觀焉觀

其建置沿革而所謂上合虞璣下按周尺州變而國國變而路
路變而郡者可知也觀其山川險易而所謂有仙山名有龍水
異道稱福地佛號靈巖高高下下襟爲帶而屏爲礪者可知也
觀其風俗物產而所謂國奢示儉國儉示禮袖髻從好墨紫從
尙園屋漆林禹氏石夸上幣中幣等甲乙而次壬癸者可知也
觀其財賦戶口而所謂度田受租量口出調成丁給役計役收
庸六十上養十六上長在卯而衰至午而美鳩世世而扈戶戶
者可知也觀其前賢往蹟邱陵墳衍事業文章之可法可傳而
所謂任茲土者爲隨雀爲渡虎爲拔鶴爲雷犢爲雉之是馴而

廣信府志

卷首

原序

三十九

魚之是懸可知也生茲者爲管榻爲蘇節爲季劍爲郭巾爲程
門之雪立而馬帳之經橫可知也流寓茲土者或閣以序傳或
亭以記重或樓以詩承或溪以愚乘或壁以一賦而千秋峯以
投書而不朽可知也他若羽士之丹鼎間多異聞梵苑之雨花
不無崎跡繡閣深閨之風節又或志貞於柏舟義凜於娥江而
無一不具知焉然則今所不知者古可以知登堂所不知者退
食可以知簿書所不知者細帙可以知於是乎一郡之事予皆
得同然而知之矣既同然而知之又同然而序之是之謂同知
康熙十二年同知侯七乘序

古列國四方之志悉掌之史氏今之志古之史也皆所以紀故
實昭勸戒也然論纂修則史易而志難何也史臣秘在禁廷董
以三公佐以庶士分理厥職罔敢怠委而起居有注章奏有編
源流本末班班可考鏡專任志事者何人乎曲討旁搜博綜遐
擷求其精核洞達文詞雅馴厥功匪易其難一史以記事或書
其人而遺其地或詳其始而畧其終或舉其鉅而沒其小若志
則建置分野形勝風俗物產財賦學校選舉前賢往蹟靡微弗
錄網羅維艱其難二史所以別嫌明微寓褒譏於一字之中卽
爲名稱號毫不假借且美惡並書善惡予奪得以互見志則不

廣信府志

卷首

原序

四十

然一節可傳敷揚累牘瑜則著而瑕則掩不得意爲去取其難
三而修信志於今日則尤爲有難焉者信志肇於成化迄嘉靖
而再輯
今上壬子前守高公蒞補缺剗一新自柯逆叛亂以來兵
寇交誼五六年間蹂躪無虛日故冊舊典蕩焉靡遺掌故茫無
可尋徵引杳其莫辨有事編摩者兢兢惟放失舊聞是懼兼之
邇來反側之徒競爲不軌變故日生徵師轉餉攻戰克復簡不
勝書其爲難不更倍於往昔萬萬哉余欽承
簡命作牧是邦兵燹甫靖惟與民休息百廢未舉制作文章蓋

有待焉而未遑也頃者

聖天子右文重道博徵郡國志以供披閱以成一統之模千秋盛舉莫過於此臺檄薦至不敢以荒殘辭下牒屬邑共指俸以襄厥事延者紳學博稽古訂訛且爲之諳相告戒事有可傳可不傳而卒傳者未必非傳之者之善善太過也人有不可紀與不可不紀而卒未紀者未必非紀之者之搜羅未遍也殊不知傳一事關乎已傳之事不小紀一人關乎已紀之人不輕今之役雖於前志願效竊比不敢臆爲增減但自今提筆者務以其難其慎之心仰副

廣信府志

卷首

原序

四十一

盛明寧刻毋寬寧闕文毋濫記至於辭之未瞻文之不工在一統之內猶泰山之於坏土黃河之於涓滴不見短長本無惡於志者即可無累於志也已僉曰唯唯爰諏吉開局庀材鳩工刻期竣事以襄

大典及卷帙既成視舊志加詳而臚列章程亦復字比而句櫛矣使蒞茲土與產茲土者觀於星野災祥而知休咎召自德穡天道雖遠而實邇也觀于山川形勢而知險阻未足恃人心可以固圉也觀於戶口賦役而知僞增固妄括羨亦愚敲樸之下民艱當念也觀於風俗之變而知由奢人儉卽由盛入衰之兆

也觀於學校之隆而知崇儒尊師興賢養士其有關於風教非

渺也觀於名臣宦績而知攀轅臥轍去思登諸俎豆之祠者必其爲循良吏而能樹偉伐捍大患者也觀於選舉科目而知賢能之書獻於王朝局於天府典葦重矣士宜知自好無跣地以敗類也觀於文學著述而知經術足尙藝文足志嚮龍虎而熠鳳鸞要當以聖賢爲宗也觀於節孝之倫而知矢志貞介氣烈行篤者足以砥世而礪俗也觀於隱逸之士而知恬已垢物懷璞自贊足以興廉恥而息奔競也觀於方外者流而知葢宮燕嶺代有畸人總持三教亦吾黨之所共許也觀於封禁之由而

廣信府志

卷首

原序

四十二

知開採爲聖明之累司國計者無爲言利之臣所惑也則此志之成其垂鑒於來茲而有裨於世教詎淺鮮哉於以揚熙朝文明之休表車書一統之盛國史郡乘並昭勸戒於不朽可也又何難易之足云康熙二十二年知府孫世昌序志曷昉乎昉乎史也而辭婉於史而史尙褒貶志無譏刺似同而異者也古者海內計書先上太史副上丞相太史公因一國之事裁而爲史有紀有傳以至天官河渠禮樂律歷封禪平準無不詳書志則包舉郡邑巨細必錄如山川宮室溝洫風俗田賦學校禮制兵防秩官人物至於災異郵政亦必備載是則同

其文而異其權史則惡惡嚴志則彰美而示勸爲多按禮小史掌郡國之志蓋又昉此歟然其源自九邱出爾昔陳壽作三國志常璩作華陽國志然皆史也而旨志名隋大業初勅內史舍人竇威崔祖濟等三十餘人撰區宇志一部五百餘卷奏之又著丹陽郡風俗不稱旨各賜杖卽日勅遣秘書學士十八人修十郡志內史侍郎虞世基總檢世基先令學士各敍一郡風俗學士著作郎虞作敍京兆學士宣惠尉凌敬敍河南學士宣德郎杜寶敍吳郡世基擇善用之修成一千二百卷卷頭有圖序山川則卷首有山水圖序郡國則卷首有郭邑圖序城隍

廣信府志

卷首

原序

四十三

則卷首有公館圖其圖上山川城邑題字極細並用歐陽肅書予謂今之郡邑志乃責本此信之有志也溯自餘汗則前見於吳越春秋自許州以來前志無聞有明百年至成化間始有志志亦不傳今

上御極之二十二年勅禮臣

下詔徵天下郡縣志上之備修本朝一統志於時知府孫世昌集文學之士彙輯成書而舊志及成化等志俱無遺本矣自編刻距今未有圖續之者也予自辛卯十一月蒞郡軋於簿書風樞匪暇問嘗取郡乘一覽焉歎三十年來文獻無考思有以續

之未遑也今年二月不戒於事遂及鬱攸志板遠付灰燼郡人士僉告請修遂協謀取存帙而商榷之刪其不經並其方類徵其逸事補其藝文咨采從前未編之遺訂正羣書失收之典綱舉目張斯志舉矣覈戶口田賦而知生聚教養之端倪審山川風俗而知風氣地運之幹旋察古蹟險阨而知興廢治亂之源委溯人物官業而知崇仰持循之有自若夫忠孝節義兵防禮制威彰公道率由舊章雖無一字華衮之褒謬曰敝帚千金之享哉予雖才塊三長架虛萬卷未免空疎之誚但述而不作竊比前人不獲以不文辭俾一郡之志率隳其緒矧當

廣信府志

卷首

原序

四十四

聖王臨御文治覃敷十五國風常厘帝心伏覽皇輿表諸書出自睿裁敢不上昭

宸衷車書一統之盛次備他日行人軒車之采其次仰副在位諸大君子嘉惠地方之殷其次足使來哲開卷一覽可盡七百里之山川風物人民賦幣之繁所謂不下堂而治者於斯徵之矣若曰志史一體也大書特書權俾班馬予則何敢唯紕繆是懼知我者其恕我乎康熙五十二年知府周鎔元序

docsriver 文川网
入驻商家 古籍书城

在文川网搜索古籍书城 获取更多电子书

天下名山大川古今人物事跡其載之我

朝一統全志備矣顧

皇輿暨訖無外翰軒所貢不能盡書於是我

聖祖仁皇帝

詔天下各修通志而一時直省郡州縣志無不遵

詔修明以昭一德同風之治則廣信府志在所必修而舊有成

書也余自出宰即川繼刺歷陽每下車輒取地志考其風土人

物以爲敷治之本雖歷膺兩篆無甚善政而於人情土俗庶幾

能合而宜之者莫非取鏡於地志而得乎殊俗異劑之道也今

廣信府志

卷首

原序

四十五

余奉

簡命來守是邦履任之日取郡志於吏人而吏人所將舊志零

星殘闕什二三焉詢其故曰司志弗謹梨棗之壞於燥溼蓋已

非一日矣噫異哉十家之族彙集系譜猶知秘之金匱以昭示

子若孫俾世守不忘詎煌煌郡乘不厚什襲勤拂拭置之高閣

任蟲魚銷茂散闕莫問耶夫人亦罔思郡志之爲關係耳幅員

繡錯匪志奚以辨方域土田墳斥匪志奚以定則壤靈山秀水

匪志奚以占形勝人材物產匪志奚以觀生聚即其城郭橋梁

之營造官職選舉文藝之雜錄匪志奚以驗氣運之盛衰人事

之得失乎則志之關係如此其重且大也况際此

久道化成之世我

皇上德教宏敷文學昌明凡有關政治之紀載成書無不畢獻

取之與記寧以廣信爲江右名區山川人物久甲宇內而一郡

之志闕壞弗全則典斯郡者其能不汗下耶余初蒞茲郡簿書

政務頗無餘閒第以郡志缺而未修則亦政缺之一端也因於

政暇搜採舊本稽其所存所失綜計字數版費鑄工付之梓人

殘者備之缺者補之不數月告成卷帙整齊編次無失覺向之

幾乎散茂今復煥然成章後有觀風土人物於廣信者不難指

廣信府志

卷首

原序

四十六

掌而得之矣雖自有明嘉靖丙戌張君景周始志至

本朝康熙癸巳周君鉅元重修後信州風化日隆人物輩出所

當增修以續全書猶屬有志未逮然以余今日區區苦心不憚

拾遺補闕而使一郡山川名蹟人物芳蹤不至湮沒於蠹薪朽

版之餘則後之君子當必有學充二酉才具三長興起而成余

之不逮者孰謂今之補舊非即後來增修之一倡哉故爲序以

識之雍正八年知府蘇祉序

信郡於漢晉時分隸不常至唐始有畫壤而志則始於明故自

唐宋以前紀載多闕余自壬寅春恭膺

簡命來守是郡下車伊始即索觀全志而典守者謂郡乘久滯漫殘缺卽七邑志亦久未整理歲庚子奉

大憲檄修郡縣志時前守康酌定章程詳請開局郡城府縣志

一時並舉惟郡志一稿爲前守康手訂未全至辛丑八月前署府蔡始踵輯成編繕呈

上憲鑒定檄發核刊余亟取而披覽之見其綱舉目張文簡事實乃於退食之餘恪遵

憲檄逐一釐正舉稍有未安者務使義例歸一蓋至是始得觀

厥成矣余謂一郡之大雖僚屬各有專司然庶績之紛而待理

廣信府志

卷首

原序

四十七

與所以宜上德而達下情則惟守之責爲最重信郡七邑壤據上海萬疊巘峴江流如帶其間山川之險易風俗之滄滴余抵郡以來聞見所及已得其槩及是編成而七百里之風土人情宛然在目矣是故志也者所以紀實也事無關於政體無益於民生者概不濫書紀星野則謹四時占驗所以重農事也紀地理則詳川澤陂池所以備旱潦也紀武備則詳阨塞所以嚴防守也紀學校則詳條教所以端士習也紀名宦則重政績所以勸循良也紀選舉則先經濟所以抑浮華也紀人物則重實行所以敦節概也凡此皆實政無非所以爲民也古人以土地人

民政事分紀誠卓有所見非苟而已也信郡自朱陸二先生闢

致濶湖懷玉以後遺愛尙留薪傳不替士高節義之風女慕貞烈之操各垂簡編節標形管者比比也且布帛菽粟而外絕少奇珍農桑耕讀之餘惟崇儉樸守斯郡者覽斯編張弛調變於其間則一郡七邑固可從容而理矣方今

聖澤覃敷昭蘇煦嫗雖窮陬僻壤皆得優悠饜餼於太平之歲月食舊德而服先疇則凡承乏茲土其所以宜布朝廷之德意以嘉惠吾民者宜何如冰兢也余既喜數十年未理之殘編經數手未完之遺稿一旦哀焉成集煥焉維新卽七

廣信府志

卷首

原序

四十八

邑志亦次第就緒事固有所待而後成非偶然也是書所載政教備陳不獨爲採風之指南亦治信之先路余得與七邑賢尹及在事之賢士大夫藉手以報其成抑一時之盛事也乾隆癸卯知府連柱序